

永樂大典卷之九千七百六十三

二十二章

品

洪武正韻魚咸切。巖也。又嶺品山高貌。从品。與品字不同。品音尼輒切。許慎說文品山巖也。从山品。讀若吟。徐鉉等曰。从品象巖崖

連屬之形。五咸切。顧野王玉篇宜咸切。郭忠恕佩觿集品。上五咸翻。山高貌。下尼輒翻。地名。徐鉉通釋五監反。張有復古編形相類。品从山品。品

从品相連。多言也。鄭樵六書畧魚銜切。岸也。象形。吳棫韻補叶音魚金切。嵇康琴賦。盤紆隱深確。窈岑品玄頌。巖巖。岵岵。嶠嶠。戴侗六書故家品石。

錯立山上也。又作巖。巖又作巖。說文曰。岩。岸也。巖。巖品也。巖石山也。郭守正紫雲韻文義與巖同。不可兩押。楊桓六書統疑母品。山石疊而危者。象

三石相重。其形品矣。恐其未明。復以山指之。言此亦山之形也。品音義同上。以石指之。言其上疊者石也。品山之疊石而高者。統形品巖者。巖俗態

忠韻會舉要角次。濁客音疑咸切。蒙古韻音入喻母。今通作巖。增韻。石窟曰巖。深通曰洞。書傳巖。音顧愷之傳。千巖競秀。杜詩重巖細菊斑。與品同。

倪鍾六書類釋品山之象形。趙撫聲音文字通論監切。古从品。聲古文書顧畏于民品。孔安國曰。取參差不齊之意。又春秋師于品。邑名。俗專以此

為漸。蟲字與口。蟲字不同。作蟲非。
韻會定正字切疑絨疑迎妍蟲。

古文見杜從古
集蒙古文韻海

徐鉉 篆韻

西曆

並六書統

六書類釋

隸書

華山廟碑見洪邁漢隸分韻

草書

寄

鮮于樞並
草書集韻

疊石

洪武正韻魚咸切。借差書畏于民君。又侵韻。岳君二字即古巖字。嶺岳義與巖同。借岳亦取岳石上陵之義。但借岳與巖字可以重押。許慎說文

磨磬磨也。从石品聲。讀與巖同。徐鉉等曰。从品與崑同意。五銜切。張參五

經十字牛銜反。見周書。徐鍇通釋五監反。宋重修廣韻五咸切。丁度集韻

簪巖山貌。鄭樵六書畧石巖象形。鄭之秀精明韻作岩非釋行均龍龕手

鑑嚴也。又山高峻貌。又音吟。偕者。揚桓六書統疑母。唐俗山貌。熊忠韻會

舉要羽客濁次音孔安國注磨礮也謂下民潛差禮義徐曰按尚書寧馨

惡不齊也。取參差不齊之義。周伯琦六書正譌。磊磊石上。列作薨藏。

立非。字秦粵義徒。或。召。或。韻音義。又。曾音切。趙謙聲音文字通。

諭監切亦以石韻會定正疑藏切又檢上字切疑藏疑迎所留。

言更十可入十八六一異終十元百也十屏海吳文女京

章
篆
開
篆
旭
篆
素
篆
儉
篆
權

山巖

蘇軾

山巖

張錦漢

山巖

鮮于樞

山巖

趙子昂

天開巖

應天府志在應天府上元縣攝山棲霞寺之後去寺三里

所至故以天開名其巖巖之左有張稚圭祖無擇諸公題字又金陵新志云巖因崇報禪寺左有千佛嶺後有天開巖碧鮮亭白雲菴迎賢石醒石

中峯澗石房白雲泉亦云品外泉泉州府志在福建泉州府惠安縣北六里初沒於荆榛間人莫知者熙寧十年有攝令者觀其峯煙雲翳鬱疑有

異境攀緣而上遂望山海如指諸掌因名之曰天開卧龍翁王獻臣有詩云覺皇普照黃金宅西有峯巒拂空碧地靈不放幽境閑都把雲蘿鎖頑

石擊天巖

建寧府志擊天巖在福建建寧府

通天巖

府志

通天巖在江西贛州府龍南縣玉石巖之側西南一洞高廣數十丈上有一竅露天日故名通天傍有石獅象石錢堆石羅漢石田石柱石鍾又一

洞深廣莫窮所上今石井基盤石丹竈猶存一在贛縣西二十里石峯環峙如屏障廣福寺樓其復舊有穴徹山巔故名通天元祐中郡人陽行先

隱于此。太守林頴號以王巖翁。今行先祠在焉。傍有趙清獻周濂溪題名。又有玉巖亭。嘉定丁丑。郡守留元剛始建。又輿地紀勝云。由廣福院後。嵌石如房。有石穴上徹山頂。王奇詩曰。松蘿石室中。清雅勝支公。地靜無塵到。天高有穴通。元祐中。郡人陽行先。棲道巖中。張無盡又琢石佛。迄今賞勝。因名。吉安府志。通天巖在江西吉安府太和縣。亦名聖巖。在湖山寶峯之側。有飛泉自巖而下。入石罅中。旱則禱焉。又志云。石通天聖巖。在傳檐山下。庵中所供。通天菩薩是也。旱則於此禱雨。惠州府志。通天巖在廣東惠州府博羅縣。羅浮山。大石樓東。有穴見天。故名。化州府志。通天巖在廣東東化州府石城縣。韶州府志。通天巖在廣東韶州府英德縣。西十五里。與碧落洞相去二三里。橫崗峻嶺。其中石乳聳峙。千萬狀。約行二里。有大窾通天。闊六七丈。仰望天日煥然。宋洪适。盤州集。通天巖記。自英州西南行十五里。至十角頭山。自山麓二百步。至山半。有洞門。冷風襲人。雖半春。晏溫皆快。燠不數步。即黑。求絰。難火。始可入。洞之左。數石對峙。曰菩薩。曰金剛神。晶彩盪目。如沙中星。振杖陟嶺。奇詭迭露。其平處可坐數十百人。益深入。石小破。如盤。孟見光。却出。直東。又二百步。始大明。雙竅穿豁。垂蔓搖絲。雲在木葉間。日影漏入。亂石總總。所謂通天巖也。行前復持火。過群石。

外。厥壤坦然。循其石。訝然有穴。下之多龍田。皆分塋畛。如綰蛇盤蚪。仰視如覆樓閣。去人不遠。其平處復可坐。數十百人。擡之坎然。如鼉鼓。徒扶亦鳴。意其下必更空洞。其旁一穴。類管井。不敢探。地出碎乳。槎牙散亂。如鐵滓。曰龍矢。踐之棘趾。窮高田有水一丘。其下紫石壁。有渠云春夏交雅。沮不可涉。自水丘處。實甚隘。偃以柱。列戶如蜂房。其頂結乳如珠纓。如流蘇。如梨瓜。如垂蓮。如肺肝。四壁梳上。水有紋褶。凝于地者如神鬼形。如幡幢。如旌纛。如帷帳。如筍。如枯木。如禽獸。如器物。多不可名。有水柱短長小大不一。有踴石博下。銳上如壁。遠視之如水。即之飲不盈掬。捫之如龍鱗。旁曰輪藏石。皆稜然。巧非追琢。有羅漢小像。可周以步。有石燕。逢火輒飛去。其幽罅隱竇。莫可窮測。予書其石曰。有天地。即有此巖。而生是州。官是州。與遊子遷客。曾無一言標榜之。遂使名不經人耳。古呼可歎哉。同遊者毗陵邵林宗。新安董謀。道予之叔光晦弟景徐。報恩希賜師。紹興二十一年二月二十日記。

洞天巖

延平府志。洞天巖在福建延平府沙縣治之西七里。有定光古佛祠。雨暘禱之則應。

天

堂巖

建昌府志。天堂巖在江西建昌府廣昌縣東南三十五里。嘉定戊辰。妙智鑿石出泉。以水療民疾苦。其後以廢院。建妙圓寺於

其
天印巖

寧波府志天印巖在浙江寧波府象山縣西七里大嶼其巖如六花印。

天然巖
柳

府志天然巖在廣西柳州府洛容縣南二十里巖口向西舊稱西祖巖宋改名天然巖巖中轉輪經歲至今縉流居之。

天明巖

寶慶府志天明巖在湖廣寶慶府武岡縣城南一百八十里紫陽鄉巖口寺側元祐四年提刑張授都捕蠻寇師次小天明墟而愛之因名且留題

曰巖口呀然向日開小橋飛入勢萦回幽深自可逃煩暑况有容泉石下來。

朝天巖

廣信府志朝天巖在江西廣信府貴

溪縣龍虎山。

天井巖

饒州府志天井巖在江西饒州府樂平州縣有洪巖天井巖風巖洞木巖而洪巖最著巖在山之要

有石屋南北相通其中雲氣泉石相雜石之如門如堂如帳如象如馬甚多世傳仙跡不一。

漏天巖

彰德府志漏天

巖在河南彰德府彰德縣巖有異木折幹倒植野人號曰交加木云。

天柱巖

廣信府志天柱巖在江西廣信府永豐縣南二

十五里巖內有石如柱際其上下焉宋王十朋梅溪集天柱巖云有二一在三井之北一在松羅巖之側鴈山一柱挿雲霄三井松羅柱亦高蓬華

深懷托人念攀
天端賴柱堅牢

星巖

肇慶府志星巖在廣東肇慶府。蔣聚有記。轉運判官周淳順茂叔熙寧二年正月七日遊附蔣

聚已東龍昌洞行。記云。循溪而上有溪湛然者。龍白也。舟行逾百步而山呀然者。溪口也。繇溪口北行數十步。漸見幽洞一碧。水激而溪深長。崖如截。高數百丈。聳然而峙者。龍昌之勝勢也。扁舟夷猶。迤邐而深靜。忽然飛煙散空。屑玉而亂下者。峯端之飛泉也。有巖如剝。有石如乳。中可藏舟而不知風雨者。溪間之帷壁也。山迴水轉。或掩或絕。僵而望之。則別在乎一天。直而面之。則不知其所之。游者皆曰。茲境盡矣。已而少行。試窮其源。又縈紆盤屈。徐適一二曲折。恍然巖崖若闕。迎舟而通。蓋見溪山函束。澄湛秀拔。層巒恠峯。下鑿淵銳者。螺者。若踊若紆。又得其氣象淒爽。常若秋生。潤草巖花。異卉闐發。龍潭窪深。雷電晝伏。是時予與游者浩然而騰。覺其身在大虛之上。而不知其飲之多也。然亦恐其過清不可久居。乃移舟疾行。將窮而後歸。又視其前。則有物若我留。而與游人有情。甚相樂者。時復掛狹飛。雖飲啄而下。上游鱗水鳥出沒於前後。葆蓋嘉樹。可蔭可息。又使人愛而不能去者也。外游者之樂。自溪口至此。凡十餘里。其千恠萬象。嗟乎。不可得而狀也。須臾。鵲鳴啞啞。漸出平曠。竹木陰翳。隱然而窮者。

佛寺也。此龍昌之大槩也。予與遊者愛賞不已。既而歎曰。大凡山水之嘉。非造物者。昔嘗着意於其間。則不能如此奇且偉也。此固神工有私於茲境矣。惜乎生不得其地。而埋沒已久。不爲人所知。爾予舊嘗閱桃源圖。有漁者颺舟而來。類於今之游龍昌。但無樓屋仙人霞裾飄然俯瞻桃飲嘉客而已。然而異世荒誕之說。予固未知其必勝也。亦欲寓焉。龍昌圖將傳於中州。以示喜異者。然恐舉畫者之手。必不能得其一二自然。以此故不必畫也。昔柳子厚頗愛永之鈺鐸潭。嘗曰。孰使予樂居夷而忘故土者。非茲潭歟。故予爲縣於此。月嘗醉而遊者。以三四。自視愛而不知已。猶恐其往之不密。故未始以爲勤也。其居蠻而樂者。亦以此溪矣。予嘗客夷陵。屢游元白所謂三游洞者。梯崖磴險。僅至其下。未見其所以爲勝。若以吾之龍昌。山奇水麗。一洞十里。可以浮舟去來。如在乎畫圖之中。以校其幽深偉絕。則嫖母之與西子矣。使元白昔日知吾龍昌之勝。必不肯以此而易彼。此溪常漲於盛夏。予之遊實在於六月。其與之游者。洪崖彭德純。春陵周茂叔。二子皆有泉石之趣。是行也。與余爲三。今輒厚自誇大。亦命之爲三游洞。蓋山水之洞。非石洞也。後來者或不見賞。猶當俟於後來者。昔游在至和二年。後二年夏五月。廬陵蔣舉記。此先生赴合陽簽判任時所決。

至拂辟聞龍昌之勝。與廬陵符。洪崖彭
德純同遊。符樂為之記。因附載行記之後。

七星巖

舊林州志七星巖在廣西鬱林

州南山上。葛仙翁煉丹處。孔延之詩云。穩安樓閣貫空巖。絕頂磨霄疑翠巖。若到白雲猶未半。憑君更上七星巖。蕭恭登詩當年仙隱七星山。九轉丹成去不還。百步雲梯通上境。一聲鐵笛啓玄關。龍蟠石井山靈護。鶴遊寥天玉樹閑。醉倚巖崖覓蕉選。半疑凡蛻脫塵寰。張信臣遊七星巖

桂林平地起山尖。獨此奇峯箇箇圓。上應星辰三四點。中藏空洞幾千年。衆槎客子頻相訪。騎鶴仙人竟不還。多少南來馳馬客。品題詩句細磨鐫。

雅琥詩灘水東邊三四山。何年北斗下人寰。天文暗宅蛟龍窟。地脉潛通虎豹關。碧蘚自封巖逕香。白雲不鎖洞門閑。何時得遂烟霞趣。來此幽棲

結大還。張稚飛詩仙李巖前問大還。碧沙瑤草水潺潺。虎隨客去春尋藥。龍作人來夜扣關。八桂月華連五嶺。七星雲實接三山。洞天說有飛昇處。

只隔雲煙縹渺間。仙凡景界隔雲泥。流水桃花路欲迷。八桂寥天連碧海。三山聖境上丹梯。紫霞深藉神清洞。白日猶燃太乙藹。夢覺七星巖下

月。參差煙樹暝煙啼。城頭旭日照旌旗。城下驚濤動鼓聲。萬載歌詩猶誦魯。三年鼓瑟不求齊。仙巖雲濕龍蟠洞。陰壑風生虎渡溪。珍重鳳凰臺

上案興來從此躡丹梯。孔思立次前韻。洞府仙書秘紫泥。蒼苔露冷
鶴蹤迷。黃金的磔丹升鼎。白玉棧層石抱梯。葉縣鳬來飛赤鳥。葛陂龍去
化青藜。瀟然已與人間別。却訝花間有鳥啼。楊煥詩三四峯巒列斗牛。風
巖龍穴幾千秋。登臨恐遇林泉吏。不曰行藏祇自羞。郭祥正題七星巖
七星山色碧離離。山下空巖世所希。不獨霧深知豹隱。有時水長聽龍
歸。方床瑩徹仙人座。絞石縱橫織女機。旋剔蒼苔見陳迹。李邕詞翰常依
栴。宋張孝祥于湖居士集朝遊七星巖。蒼苔上千山觀。東西兩奇絕。勢若崩
海半。孫觀鴻慶居士集十載汗脩門。簪纓侍帝垣。五雲深莫覩。衆星共以
繁。一坐牘背書。身落海上村。山川發餘想。鐘鼓眩昔聞。星圖煥斗極。兩兩
錯地文。今日復何日。乘槎造天閭。日月光扶挾。參井安足捫。誰當揭其柄。
為我酌瀛尊。藍性之藍澗集何年七星降人間。岡風吹作山頭頑。九疑雲
晴兩峯失。五老天清雙劍攢。桂林茫茫石如簇。散漫崩騰走平陸。鷹行斜
落大江濱。屏嶂橫開疊蒼玉。初疑女媧補天餘。又如禹鑿龍門孤。神光傍
射軫翼上。斗柄正指西南隅。下有洞穴不可測。虎龍晝伏龜蛇勢。雲根近
接勾漏深。海氣常帶蓬萊濕。我欲舉手招群仙。駭鸞直上虛皇前。斟酌元
氣作雷雨。一灑五嶺歌豐年。黃公度知稼翁集天上何時落斗星。化為巨

石羅翠屏。洞折三叉。盤空曲壁。立萬仞。穿青冥。客尋舊路。不知處。龍去千載。猶聞腥。欲訪仙子。問真訣。巖窟寂寂。水冷冷。經歷觀音。奴次韻。拄杖訪棲霞。神仙信有家。聽泉消俗慮。拂石看雲花。海內年將暮。山中日未斜。何堪驄馬去。回首一塵遙。仙子何年去。高風杳莫攀。人皆趨捷徑。我獨愛空山。石溜凝遺像。苔深隱舊班。繡衣臨斗度。欲訪紫芝閑。

火星巖

永州府志。火星巖在湖廣永州府西。江外群玉山。巨

竹高脩。古木樛曲。地勝景清。為零陵最奇絕處。宋沈遼雲。巢編火星巖下。石峻峭。殿閣相望。止一僧。莫問人間興廢事。門前流水几前燈。聯句詩。千里熙醇政。靈巖嘉訪尋。戶曉登亭雲擁坐。柳拱宸穿徑。苟成林。戶樂逐天風遠。柳塵隨宿霧沈。戶綺羅紅作錦。冠蓋綠交陰。戶下顧關河小。寒知洞壑深。柳松枯存舊節。花老見初心。柳旌茶嵐光潤。柳壘野氣侵。戶自愧翁歸拙。難攀子厚吟。戶城樓傳暮角。南陌騎駸駸。柳

台星

巖

保寧府志。台星巖一名南巖。在四川保寧府閬中縣東南五里。紫金山之半。大像山之南。唐高士安無傾。昔嘗隱居焉。松木森羅。巖宇深

邃。宋太平興國中。郡人陳堯叟。堯佐。堯咨。堯封。昆仲讀書于此。後堯叟兄弟並顯。賜名台星。舊傳懸頭讀書。今猶有穿石貫繩之迹。又據硯亭。乃宋

司馬池為轉運判官日遊于此。子光侍進士何萬記其行末云。光捧硯故名。亭今不存。惟石壁間猶有捧硯二字。

九星巖

肇慶府志九星巖在廣東肇慶府德慶州城東南悅城鄉一百二十里。九峯尖秀。因以名焉。

景星巖

台州府志

浙江台州府仙居縣西五十里。萬仞壁立。高處見井邑如錯綺綉。僧行機嘗縛茅以居。今為尼菴。上有鹿頭巖。以其形似之而名。長數丈。坦曠可步。

左右崖壁更峻絕。云廣信府志景星巖在廣州府增城縣長沙鄉。抵河源縣東。鄉民以為祈禳之所。巖中空洞。有石如臺閣。或如修廊。或如鼓擊之

有聲。石乳結成寶蓋。猶祈之狀。幽邃深窅。非東炬莫能進。

魁星巖

泉州府志魁星巖在福建泉州永清縣之南。巖石峭拔。初

名磨巖。荆棘蔽翳。人不敢至。乾道中有苦行覺圓依巖而居。誅茅為廬。問名於邑士。以其縣庠正對。名曰魁星。因鐫三大字於崖石之上。其下琢石為

三星巖

台州府志壽星巖在浙江台州府寧海縣西南一百二十里。一名老人。以山如老人狀故名。山旁皆盧姓。俗傳

冢墓對此巖者。其子孫必壽。故更今名。

摘星巖

杭州府志摘星巖在浙江杭州府海寧縣南三十五里。左緯詩云。已知星

可摘。須信路難通。日影穿雲薄。天形入水空。送着梁苑雪。獨揖楚臺風。指點中華地。山河萬國雄。會稽掇英集。僧咸潤。捫蘿梯峭石。直上青雲端。咫尺星斗光。冷射人心寒。

觀星巖

衢州府志。觀星巖在浙江衢江山。縣一百里。山勢高峻。疑可摘宿。遂名之。山前有巨石。

昔有僧寶月嘗飯虎於此。

斗巖

處州府志。斗巖在浙江慶州府縉雲縣仙都山前。疊嶂倚空。群木掩映。有小峯如北斗。名曰斗巖。

覆斗巖

紹興府志。覆斗巖在浙江紹興府諸暨縣南六十里。近浦江縣界。山峭壁形如覆斗然。

朝斗

巖

汀州府志。朝斗巖在福建汀州府南山。崦緣石捫蘿而上。俯視城市。有佑聖廣祐福善王祠。禱必應。長汀宰陳顯伯有詩云。分明貯秋江。

一角三山林。喬有詩云。照壇夜朝斗在目。石室晝卧雲生臂。

斗子巖

紹興府志。斗子巖在浙江紹興府諸暨縣南四十里。巖陡。

峻高出群。

峯故名。

雲巖

建寧府志。雲巖在福建建寧府順寧縣西鄉里。昔有異人於巖石坐化。鄉民字而塑其像。今雨暘有禱必驗。

衢州府志。雲巖在湖廣衡州府茶陵縣東南二十里。巖高十五丈。深三十丈。夔州志。雲巖在四川夔州雲安軍舊屬萬州。有蘇軾兄弟題字。黃庭堅。

題詩為雲安勝處。後人立三賢堂。大同府志雲巖在大同府大寧州。又有月崖釣壘浮玉白坪。並在鳳山。延安府志雲巖在陝西延安府宜川縣境內。舊因此巖名縣。名賢多有題詠。元楊叔能小亭集新軒有奇石。既異人多聞。何時名雲巖。小字鐫八分。承以青銅槃。槃底藏清茶。雲根浸新汲。巖實俄氣。氣客來爭掃地。侍香添寶薰。主人竟無舉。觀者心自欣。物既得所主。在君即屬君。細巨盡如此。不須強云云。壽王辯漢鼎。其說非虛文。雲巖新軒石。香乃雲巖雲。永州府志雲巖在湖廣永州府境內西十八里。直松嵩山之前。松徑數百步。始至其巔。兩崖接層皆依石。有蛟螭盤屈之狀。其上天牕寶蓋不可形模。地勢漸高。道人為橋為堂為殿。皆因其次第。一穴可容百許人。嘗陰陰若雲氣翳然而興。則斯須雨降。巖以是得名。由始平及今。遂為禱祠之所。穴盡處有臺石室。其隘云。初異物以黃泥封之。與道人為界。泥今亦化為石。指痕尚存。林深路轉山。巖虛雲觸石。是中立數椽。僅足安一室。斷鐫開碧落。當晝縣白日。孔藥掛乳竇。蜚鼠傳石香。山中古老人。對我誦記憶。昔為鬼仙家。乃藉巨人力。劃地剖疆界。印泥遺指跡。至今百年餘。住世三度易。吾非梅子真。身是江南客。阿公鬢未霜。阿弟鬢如漆。詹子武夷俊。邂逅願已適。扶勢一登覽。相與有倚匹。林通葉靜能。俱

來一同席。二子善鼓琴。無弦徒掛壁。日暮雲已歸。今夕竟何夕。徘徊卧白雲。華胥休更覓。合州志雲。巖在四川合州銅梁縣。縉雲馮時行有詩。擬陽之陽。羗廬峯。千巖萬壑。雲濛濛。仙人往往遊其中。安期羨門喬與松。天或使之為扁封。咫尺象外不可通。我昔杖履秋將窮。洞宮蕭森遠遯忽。至今寃夢江南東。聞君斲石蒼崖空。下燕衆客出襟同。君真廣義羗俗翁。作詩疾驅動僕僮。斬薙蒼蔚煩祝融。木章竹簡群籊空。要使恢廓無蔽蒙。指麾八極呼雲風。坐與九江爭俊雄。富有騎鶴來遐冲。與君論道如崆峒。去之勿疑求大功。慎勿顧此杉楠楓。李石方舟集。我來雲巖夏初吉。巖洞向晚開新蟾。晴空飄飄雨花坐。護此燕几垂飛簷。老僧閉門一榻外。但有瓶鉢雲火匝。人間日車手可熱。道上火傘官爭尖。不知此地陰水雪。崖花石蔓駢濃纖。傳聞仙人有蛇骨。玉塔未許窺幽潛。行人各走記名姓。浪費粉板相補粘。不知蘇黃巖上字。端有妙處無緗縑。至今巖泉渴千仞。似與二老爭森嚴。斯游與子固不薄。一餉喜遂清賞兼。稽首林間古石佛。面目慈忍雄鬚髯。狐狸騎項鼠逃膝。蒼苔蘇剝侵裙襜。我願石佛須少忍。欺善怕惡神所殲。君不見邇來石佛勝銅鬼。會煮翁仲烹飛廉。樓攻媿先生集。但見雲生谷。初無石似巖。得名非舊觀。買地作精藍。境勝環脩竹。門深擁翠